

Fabri, Felix: Evagatorium in Terrae Sanctae, ..., ed. v. C.D. Hassler, Bd. 2, 1843,  
enthaltend fol. 183A–291B von Bd. 1 des Autographs (19 555-1) und fol. 2a–74a von  
Bd. 2 des Autographs (19 555-2)

zu Bild Nr.

1043

1041

1047

1037

1052

1032

1092

0992

0942

0542

0042

Ende

Anfang

470

aliqua continens ibi veniret, statim magnes propter ferrum  
navem attraheret et illideretur navis in scopulos et frangere-  
tur. Est enim magnes mirabilis raptor ferri. Si cui placet  
legere, videat in Speculo Nat. L. XX. C. 20.

Sunt etiam in plerisque locis orientis petrae illius naturae,  
ut homines transire volentes attrahant ad se, sicut magnes  
ferrum; migrantes autem post tractum rident et jubilant et  
illisi saxis pereunt. De his loquitur Consiliator Doctrinae 67.  
et dicit, quod propter hujus impedimenta non potest homo  
pervenire in oppositam nobis regionem, etiamsi immensitas  
oceani non impediret.

Dixit nobis frater Nicodemus, quod monachi S. Catharinae  
habeant partem thelonie cum Soldano rege Aegypti, quod in  
hoc portu de navibus oneratis tollitur et juxta littus habent  
hortum magnum palmarum, de quibus tot dactylos colligunt,  
quod eis per annum sufficient et majorem partem fructuum  
vendunt.

Ultra maris gulsum a meridie descendendo contra occi-  
dentem vidimus altissimum montem, quem nominant Olympum  
Aethiopiae, ad differentiam Olympi Macedoniae. Hic mons  
in ortu solis flamas de se emittit horribiliter quinque horis.  
Ab hoc monte incipit Aethiopia, quae olim dicebatur Atlanta,  
et terminatur ad Nili flumen. Est autem terra lata valde,  
producens monstruosos homines et bestias mirabiles in suis  
desertis. Quidam enim solem orientem et occidentem dira  
imprecatione intuentur et semper soli irati maledicunt propter  
afflictionem caloris. Ibi currunt satyri adeo hominibus  
aequales, ut aestimentur homines esse, quamvis non sint, et  
multa mirabilia sunt in illa regione. Huic contermina est  
Lybia, regio magna Africæ, et Aegyptus.

De hinc contraximus visum et a remotioribus locis in  
campum desertum fiximus, qui est inter montem Synai et  
mare rubrum, ejusque latitudinem et vastitatem mirati sumus.  
Dixit autem nobis frater Nicodemus, quod in istis campestri-  
bus esset quoddam monasterium sanctorum virorum, quod  
modernis temporibus nemo potest invenire, quamvis campana-  
rum pulsus ad omnes horas canonicas audiatur cottidie. Non-  
nulli ex fratribus monasterii sanctae Catharinae conati sunt

